



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. BBB. Commissariorum Danicorum Projectum in causa Guineensi,
Exhibitum d. 17. Jul. Anno 1658.

urn:nbn:de:hbz:466:1-10534

Suecorum Africanæ plenaria satisfactio ac restitutio præstetur: S. R. M. Daniæ nullatenus sibi persuadet, plures à se provincias, quocunque demum modo id fieri queat, postulandas, quam jam dum factum est. Et si quidem isthac S. R. M. Daniæ oblatione & promptitudine amico & vicino verè consentanea, quaque Transactioni Roschildensi ad superabundantiam usque satisfactio præstita est, præter omnem spem acquiescere nolit, aliè memorata S. R. M. Daniæ negotium hoc, juxta normam in Tractatibus Stetinensibus præscriptam, libenter ad arbitros remittit.

Lit. BBB.

Commissariorum Danicorum Projectum in causa Guineensi, Exhibitum d. 17. Jul. Anno 1658.

Promissum etiam ac mutuo constitutum est, ut Sac. Reg. Majest. Regnumque Daniæ, S. R. M. Regnoque Sueciæ, ut & privilegiatæ Suecorum Societati Africanæ restituat omne illud, quod Henricus Carlossius & ipsius complices, per S. R. M. Daniæ concessam Commissionem tam in alto mari & navium statione, quam in terra & littoribus Guineæ abstulere, ita quidem ut S. R. M. Regnumque Daniæ, sine ulla tergiversatione, quam citissimè id fieri poterit, supra memoratæ Societati Africanæ restitui faciat omne id, quod in Albi fluvio non procul Glückstadio nunc reperitur ex iis rebus, quas Henricus Carlossius nuper secum ex Guinea attulit, & S. R. M. Sueciæ subdici eripuit. De his autem & reliquis omnibus quæ statim restitui nequeunt, sive sit expugnatum Castellum Capo. Cors, vel alia Suecorum Munimenta ac domus mercatoriæ in littoribus Guineæ, cum ibidem existentibus tormentis bellicis tam æneis quam ferreis, aliisque bonis mobilibus, quo nomine demum venire queant, quæ vel ibi invenientur, vel à membris Societatis Africanæ sufficienter probari poterunt ablata esse, taliter ac in hunc modum invicem convenit & approbatum est, ut ista omnia certa pecuniæ summa æstimentur, quam S. R. M. Regnumque Daniæ Societati Suecorum Africanæ modo jam sequenti numerare tenebitur: Scilicet ut omne id quod statim Glückstadii restituitur, sive sit navis ipsa Arx Stockholmensis, aut quas continet merces, habitatione jussi pretii & æquæ æstimationis, prædictæ summæ detrahatur & decurtetur: similiter quicquid in Guinea restitui potest, sive sit Castellum Capo. Cors cum pertinentibus Munimentis ac Domibus mercatoriis, sive alia mobilia ac merces, quæ ibi invenientur, dictæ summæ decurtabitur, & quidem pro Castello & pertinentibus Munimentis ac Domibus mercatoriis nummâ Imperialium, pro bonis verò mobilibus ac mercibus tantundem, quanti æqua æstimatione venire poterunt. Quod si

R. 33

autem.

autem ne his prædicta summa impleri poterit, omne id quod restabit à S. R. M. Regnoque Daniæ, aut ipsius mandatario, Societatis Suecorum Africanæ Plenipotentiario Hamburgi intra annum & diem, computationis initio à tempore subscriptionis sumto, certissimè præsentì pecunia numerabitur. Interea S. R. M. Regnumque Daniæ S. R. M. Sueciæ aut ejus Subditis, Societati Suecorum Africanæ privilegiatæ, vel per certos aliquos mercatores Hamburgenses fidem suam interponentes, vel per terras quasdam in assecurationem solutionis prædictæ summæ oppignerandas, satisfactionem præstare tenebitur.

Lit. CCC.

Legatorum Suedicorum Projectum posterius in causa Guineensi. Exhibitum Commissariis Danicis Hassniæ

d. 18. Julii Anno 1658.

AB utraque etiam parte constitutum & approbatum est, ut juxta tenorem articuli undecimi Pactorum Roschildensium S. R. M. Regnumque Daniæ teneatur S. R. M. Regnoque Sueciæ, ut & Suecorum Societati Africanæ privilegiatæ restituere omne illud, quicquid Henricus Carloffius & ipsius Complices, per S. R. M. Daniæ concessam Commissionem, tam in alto mari & navium statione, quam in terra & littoribus Guineæ abstulere, & ante pacificationem Tolstrupensem neque in Daniæ neque Hollatiæ portum deduxerunt: ut & resarcire & compensare omne istud damnum, quod alte memoratæ S. R. M. Sueciæ, & Societati Suecorum Africanæ per expeditionem istam & Munimentorum occupationem datum esse potuit, nempe taliter & in hunc modum: ut S. R. M. Regnumque Daniæ statim sine ulla mora, prætextu, vel excusatione sæpe dictæ Societati Africanæ omnes illas merces, vel in natura, vel si jam divenditæ & alienatæ sunt, præsentì pecunia restitui faciat, de quibuscunque probari poterunt, quod à Carloffio nuper ex Guinea Glückstadium ad Albim allatæ, & S. R. M. Sueciæ subditis ereptæ sint. Reliqua vero quod concernit, quæ in Guinea adhuc reperiuntur, & ob locorum longinquitatem restitui jam nequeunt, sive sint occupatum Castellum Capo-Cors, vel alia Suecorum Munimenta & Domus mercatoriæ in littoribus Guineensibus, sive ibi relicta mobilia, ut aurum, navium operationes seu Cargaisons, annona seu cibaria, supellex, mancipia, pecuniæ quæ Societati ibidem debentur, omnis generis naves, apparatus bellicus, arma & tormenta, vel omne aliud, quocunque demum nomine venire possit, quod Suedica Societas ibi habet, & hætenus contra ipsius voluntatem distractum & alienatum est: ut & damna S. R. M. Sueciæ Ejusdemque subditis per expeditionem istam data & inflicta à S. R. M. Regnoque Daniæ statim atque navis quædam à

Societ.